

**LANKIDETZA HITZARMENA  
LANBIDE HEZIKETA LAGUNAK ELKARTEA  
ETA  
BERGARAKO UDALAREN ARTEKOA**

Bergaran, 2018ko uztailaren 24an .

**BILDURIK**

**Alde batetik**, M<sup>a</sup> Elena Lete Garcia , Bergarako Udaleko Alkatea eta erakunde horren ordezkaria dena, M<sup>a</sup> Concepción Ugalde Izeta udaleko idazkariaren laguntzarekin.

**Bestetik**, Beste aldetik, Ignacio Larrañaga Iñurritegi, Lanbide Heziketa Lagunak (LHL) elkarteak lehendakaria, elkartearen izenean.

Azken honek zinpean Alkatearen aurrean aitortu ondoren bera eta berak ordezkatzeko duen elkarte ez daudela 38/2003 Legeko 13.artikuluko 2 eta 3 idatz zatietan aurreikusitako debeku kasuetan, diru-laguntzak jasotzeko elkarri hitzarmen hau sinatzeko ahalmena aitortu eta

**ADIERAZI DUTE**

Orain dela urte batzuk Enpresare foroa sortzeko pausoak ematen hasi ziren Miguel Altuna Institutua eta Bergara, Elgeta eta Antzuolako enpresa batzuk elkarlanean, Debagoieneko Garapen Agentzia eta Bergarako Udalarekin lankidetzan. Foroak sektore ezberdinen arteko lankidetzaren bitartez, sisteman eragitea eta berrikuntza erradikalen potentziala duten jarduerak bultzatzea du helburu.



Geroztik foro hori dinamizatzeko eta egonkortzeko hainbat lan egin dira eta orain LHL elkarteak Enpresare foroa kudeatzeko jarraitzeko proiektu berri bat egin du.

LHL elkarteak Enpresare Foroaren proiektua kudeatzeko aurkeztutako proposamena, Enpresare Foroko partaide guztiek begi onez ikusi dute: Miguel Altuna Institutua, Elay SL., Grupo TTT SA., Lazpiur SA., Debagoieneko Garapen Agentzia eta Bergarako Udala.

Proiektu horrek urte bateko iraupena du eta kostua 40.000 eurokoa da, eta aurrera eramateko elkarteak diru-laguntza eskatu dio Bergarako udalari.

Begarako udalak 2018ko uztailaren 24an emandako dekretu baten bitartez eta kontuan izanda gaur egun foro horren helburua dela, besteak beste, Bergara eta inguruko enpresen arteko elkarlana bultzatzea, eta horrela udalerriko enpresen

Lanbide Heziketa Lagunak  
BERGARA



jarduera ekonomikoa sustatzen dela, erabaki du aurkeztutako proiektua burutzeko diru-laguntza ematea eta bi aldeen betebeharrak hitzarmen batean jasotzea.

Beraz, honako hitzarmen hau egitea erabaki dute, ondorengoak izanik

## KLAUSULAK

**LEHENENGOA:** LHL elkarteak 2018ko ekainaren 27an aurkeztutako proiektua burutzeko konpromisoa hartzen du.

Proiektu horrek 4 fase ditu:

- Abiaraztea eta kontrola.
- Bame eta aurre prestaketa.
- Enpresa eta agenteen talde osaketa.
- Foroen eta proiektuen abiaraztea eta jarraipena.

LHL elkarteak proiektua garatzeko hamabi hilabete izango ditu, eskaera aurkeztu zen egunetik kontatzen hasita.

Halaber, honako konpromiso hauek hartzen ditu elkarteak:

- Proiektuaren fase bakoitzaren amaieran prozesuaren azalpena jasoko duen txostena aurkeztea Bergarako udalari.
- Proiektu honen inguruan publizitaterik egingo balitz, Bergarako udalaren laguntza duela adieraztea.
- Gutxienez euskara erabiltzea ekitaldi eta idatzizko komunikazio publikoetan: iragarki, ohar eta abar.

Ahozko komunikazioetan, bi hizkuntzak erabiliz gero, euskarari emango zaio lehentasuna, euskarazko aurkezpena gaztelerakoaren aurretik eginez.

Era berean, idatzizko komunikazio elebidunetan ere, euskarari emango zaio lehentasuna, bai kokalekuaren aldetik (euskarazkoa gaztelerakoaren gainean), bai neurriaren aldetik. Testuak hizkuntzaren aldetik zuzen idatziak daudela egiaztatzeko, Euskara Zerbitzura eraman ahalko dira.

- Gizon eta emakumeen berdintasunari dagokionez, udalak markatutako irizpideak jarraitu beharko ditu elkarteak. Jarduera, proiektu edo programarekin lotutako iragarki eta komunikazioetan ez da erabiliko ez hizkera ez irudi sexistarik, estereotipo eta rolak alde batera utziz. Era berean, ezingo da diskriminatu sexu-arrazoiengatik. Eta emakumeen presentzia eta parte hartzea eremu guztietan ahalbidetuko da (zuzendaritzan, bazkideen artean, erabiltzaileen artean eta abarretan).

LHL  
Lanbide Heziketaren Lagunak  
BERGARA

BERGARA UDALARI  
MAYORALDIA

**BIGARRENA.-** Bergarako udalak 40.000 euroko diru-laguntza emateko konpromisoa hartzen du.

Diru-laguntzaren lehen zatia (24.000 euro, diru-laguntzaren %60) ordainduko da elkarrekin betebeharrak fiskaletan eta Gizarte Segurantzakoetan egunean dagoela egiaztatu eta hitzarmen hau sinatu ondoren.

Bigarren zatia (% 40, 16.000 €) jasotzeko, 2019ko uztailaren 31 baino lehen, proiektuaren memoria aurkeztu beharko du elkarrekin, eta baita honako dokumentazio hau ere:

- a) Diru laguntza "ordaintzeko" eskaera-orka, behar bezala beteta eta sinatuta.
- b) Jarduerako gastuen zerrenda sailkatu bat, onuradunak edo ordezkariak sinatutakoa, eta aitortzailearen identifikazioarekin. Bertan datu hauek jasoko dira:

- Hartzekoduna (NAN, IFK, izen-abizenak, helbide soziala ... balego).
- Dokumentuaren identifikazioa (faktura-zenbakia, ...).
- Fakturatutako gastuaren kontzeptua edo pareko dokumentuan jasotakoa.
- Fakturaren —edo pareko dokumentuaren— zenbatekoa.
- Fakturaren —edo pareko dokumentuaren— jaulkipen-data.
- Fakturaren —edo pareko dokumentuaren— ordainketa-data.

d) Diruz lagundutako jarduera finantzatu duten beste diru-sarreraren edo diru-laguntzen xehetasun-zerrenda, horien zenbatekoa eta jatorria adierazita.

e) Diruz lagundutako jardueraren diru-sarreraren eta gastuen balantze bat, onuradunak edo entitateko ordezkariak sinatuta; sinatzailea identifikatuta gelditu behar da (NAN eta izen-abizenez).

f) Programatutako jarduerari buruzko dokumentazio grafikoa (hala badagokio).

g) Diru-laguntza aurrekontu bati lotuta eman bada, desbiderapenak zeintzuk izan diren, halakorik egon bada.

**HIRUGARRENA.-** Hitzarmen hau indarrean egongo da 2019ko uztailaren 31ra arte.

**LAUGARRENA.-** Udalak egingo duen diru-ekarpenaz gain, helburu bera duen beste edozein diru-laguntza ere jaso daiteke, eta Udalarari aurkeztuko zaion txosten ekonomikoan sarreretan azaldu beharko da.

Hala eta guztiz ere, diru-ekarpenak (Udalarenak edo beste batzuenak batuta) eta/edo bestelako sarrerak batuta ezingo dira inolaz ere gastua baino handiagoak izan.

**BOSGARRENA.-** Diru-ekarpena egiteko kontuan hartu diren baldintzetakoren bat aldatuko balitz, edo Udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.

*Federatzen*  
BEGARAKO Udalaren Lagunak  
BERGARA

AYUNTAMIENTO DE BERGARA  
BERGARA

SEIGARRENA.- Diru-ekarpena berrikusi egingo da eta, egoki bada, kendu, baldin eta hauetakoren bat gertatzen bada:

- a) Diru-ekarpenaren bidez bete beharreko baldintzak bete gabe gelditzea.
- b) Diru-ekarpena erabiltzea lortu beharreko helburua ez den beste helburu baterako.

ZAZPIGARRENA.- Bi aldeek konpromisoa hartzen dute proiektua gauzatzeko lanen zein bertan jasotzen diren informazio guztien konfidentziasuna gordetzeko; informazio hori ezin izango zaie hirugarren batzuei eman, bezeroak aurrez baimena ematen ez badu bederen. L.H.L. elkarteak, proiektua garatzean eskura dituen informazio guztien konfidentziasuna gordeko du.

ZORTZIGARRENA.- Ezin izango da aldaketarik egin aurkeztutako proiektuan, ez eta bertan aurrekusten den denbora baino gehiago erabili ere, aurretik udalak horretarako baimena eman ez badu.

Aldaketarik eginez gero, Udalak emandako diru laguntzaren zenbatekoa aldatu ahal izango du, bai eta emandako diru laguntza osoa edo zati bat itzularazi ere.

BEDERATZIGARRENA. - Diru-laguntzari dagokionean, hitzarmen honetan aurreikusita ez dagoen guztirako, honako hauek aplikatuko dira: Diru-laguntzak arautzen dituen 38/2003 Estatuko Legea, azaroaren 17koa; lege hori garatzen duen 887/2006 Errege Dekretua, uztailaren 21ekoa; eta Bergarako aurrekontuetako udal araua.

HAMARGARRENA.- Alde bietako batek honako hitzarmen honetan hartutako betebeharretako edozein beteko ez balu, beste aldeak hitzarmena hautsi ahal izango luke, eta kalte-ordainak eskatu.

Eta adostasun froga gisa, bi aldeek dokumentu hau sinatzen dute goian aipatutako egun eta lekuan, eta nik, idazkariak, guztia egiaztatzen dut.

Izpta.: Marja Elena Lete García  
Begarako alkatea

Izpta.: Ignacio Larrañaga Iñurritegi  
LHL elkarteko lehendakaria



Izpta.: M<sup>a</sup> Concepcion Ugalde  
Idazkaria

Lanbide Itzikeraren Lagunak  
BERGARA